

百病辨證錄
卷肆
共八本

孫氏

增補百病辨證錄總目

卷之一

傷寒門 四十三則

中寒門 七則

卷之二

中風門 二十五則

痺證門 十一則

脇痛門 五則

頭痛門 六則

腰痛門 六則

腹痛門 六則

卷之三

咽喉門 七則

牙齒門 七則

鼻淵門 三則

目痛門 十二則

口舌門 二則

血症門 二十一則

遍身骨痛門 四則

卷之四

五營門 六則

咳嗽門 八則

喘門 四則

怔忡門 三則

驚悸門 二則

虛煩門 二則

不寐門 五則

健忘門 四則

癩癰門 六則

狂病門 六則

呆病門 三則

呃逆門 五則

卷之五

關格門 五則

中滿門 四則

翻胃門 五則

臌脹門 七則

厥症門 七則

春溫門 三十三則

卷之六

火熱症門 十六則

暑症門 十一則

燥症門 十五則

痿症門 八則

卷之七

消渴門 五則

瘧症門 十一則

汗症門 五則

五痺門 十則

大瀉門 九則

痢疾門 十三則

癰癤門 八則

卷之八

瘧疾門 十則

虛損門 十二則

癆瘵門 十七則

夢遺門 七則

陰陽脫門 五則

淋證門 七則

卷之九

大便閉結門 九則

小便不通門 六則

內傷門 二十三則

疝氣門 附奔豚八則

陰痿門 五則

痰症門 二十一則

卷之十

鶴膝門 二則

癘風門 二則

遺尿門 三則

脫肛門 二則

強陽不倒門 二則

發斑門 三則

火丹門 二則

離魂門 三則

瘰癧門 二則

腳氣門 一則

中邪門 六則

中妖門 六則

中毒門 十二則

腸鳴門 三則

自笑門 附自笑 三則

惱怒門 二則

瘡啞門 三則

瘟疫門 一則

種嗣門 九則

婦人科

卷之十一

帶門 五則

血枯門 二則

血崩門 七則

調經門 十四則

受娠門 十則

姙娠惡阻門 二則

卷之十二

安胎門 十則

小產門 五則

鬼胎門 一則

難產門 六則

血暈門 三則

胞衣不下門 二則

產後諸病門 十一則

下乳門 二則

卷之十三 外科

背癰門 七則

肺癰門 四則

肝癰門 二則

大腸癰門 三則

小腸癰門 三則

無名腫毒門 二則

對口疽門 一則

腦疽門 一則

囊癰門 二則

臂癰門 一則

乳癰門 四則

疔瘡門 一則

多骨癰門 一則

惡疽門 一則

拳疽門 一則

楊梅瘡門 五則

腰疽門 一則

唇疔門 一則

脚疽門 二則

鬚疽門 一則

頑瘡門 二則

凍瘡門 二則

痔漏門 四則

物傷門 三則

接骨門 二則

金瘡門 一則

肚癰門 一則

癰門 一則

刑杖門 一則

卷之十四 幼科

驚風吐瀉門 七則

便毒門 一則

痘瘡門 十五則

疹症門 三則

喫泥門 一則

胎毒門 一則

辨證錄卷之七

山陰陳士鐸敬之甫撰述

會稽陶式玉尚白甫撰述

蘇氏

瘧症門

風溼熱
三氣雖
條創論
世却有
此症

一感溼熱之氣忽又傷風口噤不能言項背幾幾脚手攣急角弓反張人以為太陽之傷寒也誰知是太陽之瘧病乎夫瘧病亦有三陽三陰之殊亦能傳經與傷寒之症無異但傷寒單傷於風而瘧病則合濕熱而成之也似乎治傷寒可單治風而無難瘧病宜廣治濕熱而不易也誰知邪之所湊其氣必虛一邪相犯已是正氣之虧況三邪同犯乎補正以祛邪治瘧無難速愈或謂一邪相犯尚須祛邪為先三邪並犯則邪氣彌漫非用祛邪之藥安能濟哉不知一邪之法其力專衆邪之犯其勢散力專者宜攻勢散者可補於補之中而行其攻之法何不濟之有無如其症同於傷寒不可驟用補也所以殺人苟知可補之法分症以治之實易易也如此症見太陽之徵不可徑治太陽之邪宜補太陽之正太陽之正氣旺而風溼熱之邪不必攻而自散矣方用五苓散加減治之白朮一兩茯苓一兩澤瀉三錢猪苓一錢羌活五分桂枝三分水煎服一劑而角弓反張之疾定二劑而口不噤脚手不攣急也三劑諸症盡痊五苓散專利膀胱之水三邪之中至難去者溼耳先利其溼則火隨水泄而風邪無黨矣故少用羌活桂枝以祛風則風自易解況五苓散亦非單利濕之藥也其白朮茯苓原能健脾生胃今多加為君則補重而利輕所以能建功之

速倘少少用之則功多於補反益無矣

此症用桂苓薏苡湯亦效
茯苓一兩羌活二錢薏仁一兩桂枝三分水煎服

一感溼熱之氣又感風邪頸項強直一目或左右視手足搖擗人以為少陽之傷寒也誰知是少陽之瘕病乎夫少陽居於半表半裏之間其勢將欲入肝也而尚留於陽明故三邪同感目所以左右視亦現證於二者之間手足搖擗耳者風性動而溼性靜兩相違背風欲動而溼挽之溼欲靜而風激之熱邪又從中冲擊此搖擗之所起也搖擗不已又風引而上行於是頸項以不利而溼氣留中遂至強直不搖矣治法必須和少陽之正氣少用散邪之品易於解紛也方用小柴胡加減治之柴胡二錢白芍五錢當歸三錢茯苓五錢黃芩一錢甘草一錢水煎服一劑病減再劑病全愈小柴胡湯和少陽之聖藥也今又加入白芍當歸以補其肝中之氣使肝旺而邪不敢遁於肝加茯苓五錢以健胃而利溼則邪不敢回於胃茯苓且同柴胡以祛風熱引之而共入於膀胱尤易下走此又法之至神者也

此症用龍車散亦效

柴胡甘草各一錢白芍茯苓各五錢
車前子三錢龍膽草五分水煎服

一感溼熱之氣復感風邪手足牽引肉瞤胸脹低頭視下肘膝相構人以為陽明之傷寒也誰知是陽明之瘕症乎夫陽明胃土也風入於胃必變為熱況原感熱氣則熱以濟熱宜至發汗亡陽何肉瞤胸脹而不發狂手足牽引而不出汗反低頭視下無登高而呼之症肘膝相構無棄衣而走

之疴正以濕邪混之也蓋陽明之火最者忌燥也今有濕氣在胃雖侮胃之中土亦益胃中之燥即發汗而不至亡陽發狂之禍也若妄用風藥以散其表必至汗出而不可止仲景張夫子曾用大承氣湯以下其邪然而脾旺者尚不致損傷脾氣否則下之亡陰恐有意外之虞也然則風濕熱既同入於胃中則治法不可不治胃而又不可傷胃也方用全陰救胃湯玄參五錢茯苓五錢桃仁一錢葛根一錢人參一錢麥冬五錢水煎服一劑病半痊二劑病全愈方中資胃中之陰而不損其胃中之氣玄參去熱葛根去風茯苓去濕三邪皆去而又得人參以生胃麥冬以生肺則桃仁不亦可以已乎不知桃仁最動之味三邪併入於胃中而補藥多於攻藥則邪得補而反流連不去加入桃仁性急之物補既不滯而攻亦不緩始能相濟以有成也

此症用二苓槐
膏湯亦妙

石膏猪苓槐米各三錢茯苓五錢
防己五分黃芩一錢水煎服

一感溼熱之氣復感風邪發熱腹痛肌肉顫動四支緊急人以為太陰之傷寒也誰知是太陰之瘕症乎太陰者脾經也脾土溼土也溼土何堪溼邪之再犯乎溼入於脾最難分消溼邪去而溼之根尚在一再感溼仍如前溼之病矣况加熱以發其炎蒸加風以生其波浪自然中州反亂而四境騷然緊急之勢成顫動之形兆倘用安土之品則土旺而水之泛濫之虞水乾而土無鬱勃之氣風即欲作祟而平成既奏亦可以解慍矣無如世人動輒言下詎識下多亡陰無陰以灌注於五臟七腑胸腹手足何所資以為養哉勢必緊急顫動有亡陰而死者矣方用安土散白朮一兩

茯苓五錢車前子三錢薏仁五錢赤小豆一錢通草一錢柴胡五分石斛三錢水煎服此方以利水之藥為君仍是健脾之藥蓋土旺自能制水況有又利者乎之此症原是溼邪之難治單去攻溼而風與熱邪自易吹散所謂攻邪必攻其堅譬如大敵在前滿山遍野俱是賊黨倘止從偏也旁掠陣則賊且全營俱來死關反至敗衄不若竟功中堅突圍直入搗擒巨魁則餘氛不戰而自遁痼病之重治溼邪亦止此意可惜敵而作鑒也

此症用薏仁定
痼湯亦效

白朮一兩薏仁芡實各五錢柴胡知母
甘草天花粉各一錢神麵二錢水煎服

一感溼熱又且感風遊成癰癭身跼足攣不能俛仰人以為少陰之傷寒也誰知是少陰之痼病乎夫少陰者足少陰腎也腎宜熱不宜寒宜濕不宜燥何以痼病有濕有熱反成癰癭跼攣不能俛仰之症耶不知腎最忌風而喜熱者喜真火之生非喜邪火之尅也喜真水之養非喜邪水之傷也蓋邪火助燥邪水增溼耳既有二邪入於腎中之益之以風安能無癰癭跼攣不能俛仰之苦哉然則治法仍須治溼熱少佐以祛風為得也方用助腎辟邪丹茯苓五錢薏仁五錢防己一錢稀薺性錢玄參三錢水煎服此方用防己以治腎中之風用薏仁茯苓以去腎中之溼用玄參稀薺草以治腎中之熱是風熱溼三者均治何病之不可去哉夫腎宜補而不宜瀉今去風去溼去熱得非瀉腎之藥乎然而薏仁茯苓雖利濕而不損其陰防己雖去風而不傷其氣玄參稀薺草雖去火而不滅其光非瀉腎而仍是補腎若單瀉而不補則誤矣

此症用散
湯亦佳

防已一錢白朮一兩澤瀉稀莖各半炒
黑荊芥各二錢薏仁三錢水煎服

一感溼熱又感風邪逆下利舌卷囊縮背曲肩垂項似拔腰似折手足俱冷其腹脹大人以為厥陰之傷寒也誰知是厥陰之痙症乎夫風溼熱三合而成痙邪傳入厥陰乃入肺木之經也其勢更急世人誤發其汗必致動溼溼雖陰類然是外受之陰邪非肝中之真血也所動之陽奔入溼中為溼所投必至亡陽蓋脫出之陽不當如龍之出谷其體輕矯飛騰而不可止遏今為溼所滯留則如蛇行匍匐儘力奔越究難飛去故此等痙病皆誤汗而成之也治法又不可拘於散邪仍須補正惟救其亡陽而亟使其回陽耳雖然陽之所以亡者終由於陰虛之不能攝陽故補陽必補陰而補厥陰之陰仍從少陰腎經以補之也方用回陰散痙湯已載大五錢茯苓一兩山藥五錢防風五分炒梔子一錢白芍五錢當歸三錢白朮一錢甘草一錢水煎服此方補肝經之血而佐之去溼去火去風之味自是正治之法而又補腎中之火益之已載天何居正補少陰之謂也第厥陰之本非少陰之水不生何必補腎中之大詎知汗發亡陽陽氣盡從外泄腎中已無真火單用寒涼以祛熱則脾胃不勝其寒寒已戟天溫腎不至大熱腎溫而陽回肝清而陰足陰陽和合內之正氣既固風熱溼之外邪不必攻而自破況原有攻之者乎此有益無損之治法又何患厥陰痙症之無傳久哉

此症用黃白茵
陳湯亦效

白芍茯苓各一兩 猪苓三錢 茵陳一錢 白朮五錢 甘草一錢 黃連半 夏各五分 水煎服

先生開
驚風二
字大堂
口先生
之絕戶
者蓋有
本矣

病原已
透何患
治之不
得其法
哉

小兒頭搖手動眼目上視身體發顫或吐而不瀉或瀉而不吐人以為驚風之抽掣也誰知是風熱
溼三者合之以成瘰疬小兒純陽原不宜虛然多而食瓜果溼留於胃溼久則變熱熱極則生風
此風起於內而不來於外也人見小兒搖頭手動等症毋論其虛實投以抱龍丸不效改用牛黃
丸又不效乃用金石腦麝香之藥以開其竅而鎮其驚無不立亡嗟嗟驚風二字自創立以來
殺小兒者不啻數百萬矣並無有一醫闢其非者南昌喻嘉言頗知其失大聲告誡無如傳世既
久一時不可轉移且加言有論無方世亦不識法治鐸聞師言甚悉因暢論之而小且傳其方也
兒之易於成瘰者因其骨脆皮薄不耐風邪故邪一入腠理便入臟腑況其飲食喜寒而不喜熱
以致損傷脾胃而成吐瀉之症上吐下瀉則陰陽兩虧平日所受之淫盡行越出溼出而熱留臟
腑之中無陰相養遂變成風象以惑人人亦即為其所惑但治風而不治正所以十人十死也故
見此等之症斷不可祛風一作風治去生便遠蓋其身中實實無風無風而妄用風藥以倍耗其
損傷之氣安得不速其死哉治法惟補其脾胃而止其吐瀉則十人十生也方用救兒回生湯入
參二錢白朮三錢茯苓一錢砂仁三粒炒黑乾姜五分山查五粒羅蔔子五分車前子一錢厚朴
三分神麴三分半夏五分水煎服此方以十歲為準五歲者減半一劑即吐瀉止二劑即抽掣定
三劑即全愈此方補中有利調和於脾胃之內則陰陽有既濟之歡自然無變動之害矣或曰補
之是矣少加去風散熱之藥未為不可夫熱當夏令或少加黃連數分以解其暑若值冬令更

當增人辛熱之品蓋小兒吐瀉之後熱必變寒況加時令之嚴寒乎斷不可用寒涼也至於風藥毋論四時俱不可亂增萬不得已少加柴胡三分可也

此症用加味
六君湯

人參八分 白朮三錢 茯苓二錢 甘草半 夏各五分
陳皮黃連各二分 神麴麥芽 防風各五分 水煎服

一小兒吐瀉之後口噤不出聲手足攣急人以為驚風之搐搦也誰知是脾胃寒虛之痙病乎小兒純陽先天腎氣原自完固無知後天之斷喪也人生後天以脾胃為主小兒喜餐生冷傷其後天而先天亦損自然變症紛紜吐瀉之後無津液以潤腸胃更有何氣以運動四支乎此手足攣急搐搦之所以現也脾胃虧損肝木必來相侮脾胃又苦無津液以供給于木之取資則肝木火燥燥極生火火極生風又其常也肺金見肝木之尅脾胃也欲出其清肅之令制肝以報土母之仇無奈脾胃為肝所傷則土弱而金不能強力難制肝反為肝之凌所而肺金畏肝中之風火惟恐逼乾肺氣自顧不遑何能救母故不敢出聲也然則治法可不急治肝以救脾胃之虧乎方用活兒湯白芍三錢 茯苓五錢 人參一錢 白朮三錢 梔子五分 麥芽五分 枳殼三分 半夏五分 甘草一分 神麴五分 水煎服一劑攣急搐搦之症止二劑口噤之聲出三劑全愈此方平肝之氣以扶其脾胃之土脾胃之氣生而肝氣自旺足以制肝何風火之不息哉或謂肺弱不能制肝自宜補肺不知用補肺之藥必用潤劑不又助脾胃之濕乎痙病正若濕也方中用茯苓之多正去其濕而反可用濕乎故不若平肝以安肺不可潤肺以害脾胃耳

此症用四君湯亦可效

人參一錢 茯苓二錢 白朮三錢 甘草肉桂各二分 神麴柴胡各三分 水煎服

一小兒偶感風邪發熱月顫手背反張人以為驚風之角弓反張也誰知是瘧病中之寒邪乎小兒氣血未旺不耐傷寒壯熱一時昏沉非因風而動驚也故治小兒之傷寒斷不與可大人一例故同治動用風藥以祛風蓋因虛入風治其虛則風自外出況止犯寒而不犯風是原無風也可可祛風哉倘輕施祛風之藥則風門大開內既無風可散勢必損傷正氣致營衛無所蔽而腠理不密且勾引外風深入內藏遂成不可救之症矣治法補其正氣而少加散邪之味寒既易解臟腑不傷手到便可奏功方用護子湯人參一錢 茯苓三錢 白朮二錢 柴胡五分 桂枝二分 水煎服一劑驚定不必再劑亦何方法之神乎蓋小兒初傷風寒必先從太陽而入今用桂枝柴胡兩解其太陽少陽之邪則邪不敢遁入於陽明況有人參以固其脾胃之氣則邪尤不敢入於中宮加入白朮以利腰膈茯苓以通膀胱則邪從外入者即散即無外邪而柴胡以舒肝氣桂枝以煖脾胃之上正有利益又何損哉無如世不知此等治法妄捏驚風名色輕施於散鎮墜之味以至殺兒無算醫工不悟而病家未知皆委於天數而不責其悞誰知萬鬼啼號於夜臺哉吾願世人盡消滅驚風二字名目庶幾小兒之福乎

此症亦可用救嬰丹

人參一錢 茯苓三錢 柴胡三分 白朮二錢 神麴五分 砂仁一粒 炮姜三分 水煎服

說理明
通大有
見解

一婦人新產之後忽然手足牽搐口眼喎斜頭搖項強甚則角弓反張人以為產後驚風誰知是亡血過多而成瘧乎產後舊血已虧新血已長血舍空虛風尤易入原不必戶外之賊風也即一舉一動風自内生覺兩腋之間陰寒逼人一不慎而風入之矣然風因虛而入補虛而風即能出也第補虛之法血亡不能速生而氣怯則宜急補補氣則血尤易生血生則風不能存故血舍驅風尚非正治矧純用鎮驚之藥耶方用救產止瘧湯人參五錢當歸一兩川芎三錢荊芥炒黑一錢水煎服一劑病輕二劑又輕三劑全愈此方即佛手散之變大補其氣血之虛加之人參則氣更旺矣氣旺而邪不敢敵況有荊芥引血歸經之藥血既歸經而邪何能獨留況荊芥原能祛邪而不損正氣故可兩用之以出奇耳倘不補氣血惟事祛風則血舍更空風將直入是立殺其婦矣可不慎哉

此症用活母

丹亦神效

當歸人參各一兩川芎五錢
胡三分肉桂一錢水煎服即愈

人有一時手足攣掣口眼歪張人以為中風之症也誰知是瘧病之驟發乎夫中風病月必顛覆口必吐痰瘧病狀如中風而月必不顛覆口中喉內必無痰涎之出入與水鷄聲也蓋中風無風風從內起瘧病則風從外入風自成威不必借重內痰之助所以但有牽掣歪張之風象絕無洶湧秘塞之痰聲也若風自內起者火動生風痰以助之也故中風無外邪瘧病無內邪也無外邪者不可治風無內邪者不可治不風耳然而置治外而不治內則外風雖去內風必生是以祛風必

須補正也方用補中益氣湯人參一錢白朮三錢黃芪三錢當歸三錢柴胡三錢升麻四分陳皮一錢甘草一錢水煎服一劑而暈刺定再劑而至張正三劑不再發夫補中益氣湯補氣之藥非祛風之劑乃用之以治痙瘓之風反以奏功者何故乎蓋氣虛則風易入也補其氣則正旺足以祛邪方中用柴胡原能祛邪也少用之於補藥之中則能提氣以衛正多用之於補藥之中則能益氣以祛邪故用至三錢而風難再留矣何必更借重他藥散風之多事哉世人但知參歸芪朮之多用以補正絕不知柴胡多用於參歸芪朮之中尤易祛邪余所以特表而出之也

此症用九宮湯亦神效

人參一兩巴戟天威靈各五錢半夏烏藥各一錢陳皮附子天麻各五分水煎服

汗症門

人有大病之後無過而遍身出汗日以為常人以為內熱發汗也誰知是陽氣之虛外泄而湊理不能自閉乎大病之後氣血大虧氣不能入於血之中血必至逼其氣於膚之外使肺金清肅之令行則氣雖欲越出於皮毛而湊理未疎何能外泄惟大病之後必先損其肺肺先無自主之權安能禁其氣之不固哉氣不固而汗乃氣之所化汗隨氣泄遍體出汗淋漓又無內邪之散有不散盡其真氣者乎似乎較亡陽之症相同然而亡陽之症身冷於頃刻自汗之病不至遽殞於須臾其故何也蓋亡陽之症乃熱邪驅之自汗之症乃陰虛促之也陽病暴而陰病緩陽暴難於救援陰緩易於調治治法自當以補氣為主而補氣之中兼以補陰則陰能攝陽汗不止而自止矣方

用搗湯人參一兩黃芪一兩白芍五錢麥冬五錢北五味一錢山茱萸三錢熟地一兩水煎服
二劑汗少止四劑汗大止十劑全愈此方用參芪以大補其氣氣足則肺氣有養皮毛自固益之
麥冬五味則肺金不特自足以衛外兼可以分潤於腎水猶恐汗出太多必損耗真陰更加熟地
山茱以益精使肺金不必又來下生腎水則肺氣旺而皮毛益固矣增入白芍一味以收斂肝氣
則肝木自平使肺金無仇家之相逼則肺氣安然自能行其清肅之氣而下輸於膀胱則上下之
氣舒而心中生液不來尅肺則肺金有權得以自主安肯出汗之自出哉此攝揚之妙法也倘貧
窮之人無力買參豈忍視死不救前方之中倍加黃芪二兩增入防風五分同煎服功未嘗
不同但必須多服數十劑也

此症用斂汗
湯甚效

黃芪一兩麥冬五錢北五味
二錢桑葉十四片水煎服

人有夢遺之後身體狼狽加之行役太勞或行房太甚遂至盜汗淋漓人以為甚氣之虛也誰知是
心氣之熱乎夫心喜寒而不喜熱腎喜熱而不喜寒似乎心腎之相違然而於相違之中未嘗不
相合也腎因夢遺之後自然精水不足加之行役行房以勞其筋骨則內陰大虧何能上濟於心
乎心無腎水之濟則心添其熱而腎水皆耗久則腎畏心之取資堅閉腎宮而心不得不仍返於
心宮無奈心無後養而煩躁之念生然心雖無寧靜之氣未常無專主之權徒然煩燥而相火尚
不敢顯背夫心以自越出於軀壳之外但乘心假寐乃竊其資重而潛移耳故盜汗之出與自汗

之出實有不同自汗者心不得而自主也盜汗者心尚能操其意此等之汗必出在胸間者尤甚汗本熱也而越出於軀壳之外則熱變為寒正因相火之熱乃虛火而非實火況乘心之未知而遁出非明目張膽者可比熱出為寒正顯其陰之象也況心原無液何從而得汗乎亦竊腎之餘津私自潛移者也治法瀉心中之熱仍宜補腎中之水腎水足而心火自清心火寧而心肝自止矣方用防盜止汗湯麥冬五錢生棗仁一兩熟地一兩山茱萸三錢黃連五分人參三錢丹參三錢茯苓三錢肉桂五分水煎服一劑汗少止二劑汗全愈此方心腎雙補之藥也心腎兩足自有離而復合之勢黃連清心肉桂溫腎二味同用能使心腎交於頃刻心腎既交則心火清明相火畏主何敢竊財用而偷出哉倘不補心腎惟事止汗汗不能止必且輕變重而重變危矣烏可輕用澀之味乎

此症用四參

湯亦效

玄參一兩參冬生地各五錢天門冬人參沙參各三錢丹參茯苓各二錢黃連五分北五味一錢水煎服

人有夜間發熱初時出汗星星後則漸多日久每夜竟出大汗至五更而止人以為陽虛盜汗也誰知是陰虛出汗乎夫陰虛者腎虛也腎藏真陰陰宜秘藏何故發汗蓋腎中之火動也腎水非火不養何致致洩水既水洩宜從下出何走皮毛而旁出耶不知腎水生火真火也真火喜靜而不喜動水靜則真火生水水動則真火泄水矣生水則火能秘藏泄水則火乃奔越故腎中之火動者仍腎中之水自動由於人之縱慾而好泄其精也精泄過多則勞其精而水動而火亦動火動